

08.03.2026

UPA2026/188

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kalaallit Nunaanni aatsitassarsiorfinnut aatsitassanullu nuna tamakkerlugu malittarisassaqaartitsinissamik Naalakkersuisut inatsisissamik siunnersuuteqarnissaannut peqqussuteqarnissamut Inatsisartut aalajangiiffigisassaattut siunnersuut
(Inatsisartunut ilaasortaq Juno Berthelsen, Naleraq)

Tunngavilersuut:

Kalaallit Nunaanni aatsitassarsiorfinnut ataatsimoorussamik nuna tamakkerlugu tamanut atuuttumik piumasaqaatinik malittarisassaqaartitsinngilaq, soorlu teknikkikkut aatsitassarsiorfinni silaannarissarfeqarnissamut, aatsitassarsiorfiup iigartai qanoq patajaatsigissanerannik, sillimaniarnermut piumasaqaatit il. il.

Nunani allani aatsitassarsiorfiit ammasunut nunallu iluaniittunut malittarisassaqaartitsisoqarpoq,

Aalajangiiffissatut siunnersuutip akuerineqarnerani, Naalakkersuisut inatsisissatut siunnersuusiulernerme inatsisit nunani allani pioreersut aallaavigalugit aatsitassarsiorfiit ammasunut nunallu iluaniittunut malittarisassiornissaq innersuussutiginarpoq. Tamanna patsiseqarpoq Kalaallit Nunaat nuna aatsitassarsiorfeqavittutut tunngaviusumik ilisimasassanik pisariaqartunik, soorlu aatsitassarsiorfinni teknikkikkut piumasaqaatinik ilisimanneriinnginnami.

Taamaammat nunap sorliup sulii malittarisassaqaartitseriaasiisa aallaaviginissaannut ilaarnissaanulluunniit aalajangiinnermi nunani allani malittarisassaqaartitseriaasii pioreersut misissorluarnissaat pingaaruteqarpoq (soorlu Norge, Canada, USA allallu nunat malittarisassaqaartitseriaasii).

Aalajangiiffissatut siunnersuummut akuersissutiginninnermi Naalakkersuisut minnerpaamik aatsitassarsiorfiit ammasunut matoqqasunullu malittarisassaqaartitseriaatsit teknikkikkut piumasaqaatilinnik peqartumik pilersitsissapput.

Pisortanut aningaasatigut allaffissornikkullu kingunerisassat



Naliginnaasumik inatsisissatut siunnersuusiortitsinermi suliaqarnarnerulaartoq, nunat allat inatsisaasa qiviarnissaat ilaatigut eqqarsaatigalugu, AC-fulmægtigt ukiumut suliarisassaata iluitsut nalinga kr. 500.000 missingersuutigineqassaaq.

Namminersorluni inuussutissarsiuteqarnermut aningaasatigut allaffissornikkullu kingunerisassat

Soqanngilaq.

Innuttaasunut aningaasatigut allaffissornikkullu kingunerisassat

Soqanngilaq.